

三篇同卷

智慧禮讚度亡
玄章上官歌章

養食五

三篇同卷

太上洞玄靈寶智慧禮讚

靈寶九幽長夜起尸度亡玄章

洞玄靈寶六甲玉女上宮歌章

太上洞玄靈寶智慧禮讚

太上玄虛宗 弘道尊其經

歷劫無數齡 魏魏太真德 寂寂因無生

霄景結空構 乘虛自然征 日月為炳灼

安和樂未央

學仙絕華念

念念相因積

去來亂我神

神躁靡不歷

滅念停虛閑

脩脩入空寂

請經若飢渴

持志猶金石

保子飛玄路

五靈度符籍

濟我六度行

故能解三羅

清齋禮太素

養五

吐納養雲牙

逍遙金闕內

玉京為余家

自然生七寶

人人坐蓮華

仰嚼玄都棊

俯酣空洞瓜

容顏耀千日

奚計年劫多

法鼓會天仙

鳴鐘徵大魔

靈風扇香華

璨爛開繁衿

太真撫雲璈

衆仙彈靈琴

雅歌三天上

散慧玉華林

七祖昇福堂

由此步玄音

前世德未足

斯書邈難尋

信道情不盡

圖飛乃反沉

太上无為道

弘之在兆心

學道由丹信

奉師如至親

挹景偶清虛

孳孳隨日新

衆人未得度

終不度我身

大願有重報

玄德必自然

陰惡罪至深

對來若輪轉

學道甚亦苦

晨夜建福田

種德猶植樹

積篲而成山

子能耽玄尚

飄爾昇青天

修是无爲道

當與善結緣

太上至隱書

名曰智慧篇

拔苦由大才

超俗以得真

靈姿世所奇

燁若淵中蓮

人行各有本

皆由宿世功

立德務及時

發願莫不從

善惡俱待對

倚伏理難窮

養丑

賢士奉法言

道德在兼忘

解是大智慧

上爲太極公

寶蓋連玉輦

命駕御九龍

金華擊洞經

捧香悉仙童

嘯歌徹玄都

鳴玉叩瑤鐘

超景逸紫霄

保元持法網

竦身凌太清

超景逸紫霄

保元持法網

遊玄極逍遙

萬劫如昨夜

千椿如晨朝

巍峨廕雲華

手攀寶林條

香煙自然生

玄階興扶搖

靈幡順風散

繁想應時消

滅智弘大混

无為觀清謠

土簡頌

煥爛啓幽期

障蔽日月光

玄陰不解夜

四衆並恭恭

靈運自應圖

倏歛朗太空

靈書八會字

五音合成章

至真開大宥

落落諸天明

妙哉龍漢道

八會結成形

煥爛飛空內

流光三界庭

神圖啓靈會

玉書丹簡名

祈真登紫嶽

告命詣靈山

玉女揚梵響

金童奏紫煙

書名通九府

列字上三天

永享無期壽

刻成金華仙

降真

養五

九天命靈章

生神神自超

元君遏死路

司馬誦洞謠

一唱萬真和

九遍諸天朝

稽首恭劫年

慶紫榮舊苗

太虛感靈會

命我生神章

一唱動九玄

二誦天地通

混合自相和

九遍成人功

大聖讚元吉

散花禮太空

祈真真必應

請福福當弘

諸天並懽悅

一切稽首恭

琅琅九天音

玉章生萬神

三遍列正位

炁參八辰門

玄關遏死戶

靈鎮津液源

應會自感靈

數明道潛迴

輪慶嬰兒蛻

稽首讚洞文

謝神

今日祈景福

稽首上靈壇

群仙俱降下

眾聖悉來觀

留恩既介祉

駐鶴且盤桓

齋主永長壽

合家得寧安

朗耀天地間

徘徊衆神遊

星漢景雲散

門庭風雨稠

今日仙聖降

垂恩應所求

甘露灑貧苦

窮鬼自然收

爵祿應冥籍

富貴永千秋

衆等无量人天衆

有幸得遇真法王

慈悲降屆道場中

開顏含笑放威光

徹照三千大千界

歸命丹誠禮十方

一心歸命禮東方多喜國土玉寶皇上天尊

一心歸命禮南方大福堂國土玄真萬福天尊

一心歸命禮西方大浮黎國土太妙至極天尊

一心歸命禮北方西那國土玄上玉晨天尊
一心歸命禮東北方妙樂國土度仙上聖天尊
一心歸命禮東南方難勝國土好生度命天尊
一心歸命禮西南方宛黎國土太靈虛皇天尊
一心歸命禮西北方鬱丹禪善國土無量太

卷五

四

華天尊

一心歸命禮上方均天國土玉虛明皇天尊
一心歸命禮下方鬱察國土真皇洞神天尊
一心歸命禮十方盡虛空界微塵數天尊
一心歸命禮三洞神文靈符寶誅三十六部

尊經

一心歸命禮凝空雲篆八角垂芒甚深法藏

一心歸命禮玉京天台香林寶殿

一心歸命禮傳經演教檝拯群迷玄中大法師

一心歸命禮十方已得道真人玄師仙衆

臣今普爲上界下方人天六道帝主人王歷劫師宗所生父母十方施主六道四生皆沐道恩歸今懺悔

至心懺悔臣等生逢明代長遇休期得入玄門身霑末悟師資賜授稟佩靈文緣累驅馳

觸塗皆舛三會五臘少立善功八節三元多
虧禮念十直本命未解修行甲子庚申朝真
鎮闕齋法九等意不專行功行三千曾無敬
奉科禁至重舉措成愆戒行威嚴綺言增過
心非意亂犯百八十條識智深違七三百大

養五

五

戒自造三業禍積如山六愆四纏愆深巨海
豐羅黑簿罪結冥司常恐考至形軀彫零命
府伏願

至真至聖遠鑒丹誠除死上生更加年算災
殃永滅福慧臻身厚祿遐齡常居法蔭智通

玄悟永息迷昏習道成真持經無犯懺悔已
歸命禮三寶

至心發願願我等歷劫廣修三業善常持妙
法救含靈不被塵網所包纏生生超度三塗
難願得寸心如慧日能除昏暗照虛空於諸
法中無我人常起慈悲一乘行願口常餐甘
露偈宣敷淨戒度人天無談惡語綺言詞不
噉生生含血命願足不履三惡道願手不殺
一衆生願身如影輔
天尊坐起周行無捨遠願與一切諸類等俱

辭餓鬼畜生身願與三界天人同一切勤求
无上道發願已歸命禮三寶

衆等聽說此時清淨偈欲求歸真道離俗處
巖巒三時焚寶香堅心勤持戒當須棄榮祿
名利勿牽聯當即值真人授子无上道上中

下座各記六念念天念地念道念經念真
念戒

衆等聽說勤持戒一莫殺生二莫偷盜三莫
邪淫四莫妄語五莫耽酒食肉六莫謗毀賢
良天尊遺教戒勸分明努力勤修早求解脫

人身難得中國難生一失人身萬劫不復是
故勸衆等同歸屆道場此世與來生常逢真
經戒誠勸已歸命禮三寶

太上洞玄靈寶智慧禮讚

養五

六

靈寶九幽長夜起尸度亡玄章

茫茫三天上 玄光照空暉

仙人排雲出

玉女下靈扉 梵響何悠悠

繽紛五色旂

極目觀三界 中元不平夷

不聞人頌音

但有哭聲悲 奄去不得住

命速復怨誰

先身不修福

福盡禍來追

三魂七魄馳

迢迢何所依

奉經遵三寶

自值宿命歸

建齋大布施

五陰必生尸

報應无近遠

至心有會期

以死早拔之

生天高巍巍

弟子東向三拜除去三萬劫生死之罪

窈窈无上臺

遼遼雲中堂

仰眄大羅宮

但見仙人房

閻浮多惡人

惡人必先亡

天誅不分別

善惡或同鄉

皆由善不積

魂馳遊八荒

對來奄就死

此亦无豪強

因緣各自去

父母不能當

念之死者苦

悲來五情傷

上有七尺土

丘冢何茫茫

三十六世乖

七祖各分張

願得出五道

隨聖遊十方

弟子北向六拜除去三十劫生死之罪

中元多惡人

惡人必先亡

命過如轉燭

養五

七

魂魄歸蒼茫

因緣任宿行

苦樂那可常

愚人不作善

死後心摧傷

哀哉生死別

號哭斷人腸

悠悠天地分

此苦誰能當

大聖愍一切

敕語五道王

各持生死簿

來詣長夜堂

召喚監殺君

太山牛頭防

并勒三塗掾

龍驛告十方

死者已自苦

早令度南宮

衣食食天厨

世世值樂鄉

弟子西向三拜除去十二劫生死之罪

落落三天上

峻極何巍巍

天下之大罪

莫過忠孝虧

萬劫入長夜

永已不復尸

先世有此德

今身禍來追

坐此年中壽

魂魄共相馳

父母妻子乖

精神復何依

命絕如山崩

若水之東之

故念死者苦

切切令人悲

悠悠松柏下

長歿何時歸

弟子東南向三拜除去十八劫生死之罪

天堂樂無極
閻浮多五慾
先身爲何殃

命斷何乃速
魂魄馳何方
精神漂何獄

父母妻子乖
別離如壞屋
悠悠三塗中

精神竟何屬
愚人无所覩
言之慘心目

唯願生南宮
世世食天祿

弟子北向三拜除去千劫生死之罪

宿命生何原
今身值清道
因緣明師化

得受玄妙寶
如何罪根深
猝然不終老

奄忽折盛年
命去何乃早
魂魄入長夜

精神遊五道
四大於此散
六趣經苦惱

生生為悲嘆

宿昔傷懷抱

何不度亡人

錢財等非草

建齋重布施

世世見師保

弟子北向九拜除去三十劫生死之罪

人皆欲求道

求道心不精

始妬憎三意

墜入狐疑城

坐口致云云

九幽方始驚

養五

死魂入惡道

何日望太清

哀哉死者苦

丘林何冥冥

今日度亡人

惟願更來生

弟子北向十二拜除去四十九劫生死之

罪

先世不作福

今身恒苦衰

奈何死者痛

輪轉五道機 如水之注海 一去何時歸

妻子於是別 父母知是誰 冥冥長夜裏

丘冢何纍纍 生人日夜哭 願得更生尸

哀哉死者苦 迅速令人悲

弟子南向三拜除去三十劫生死之罪

生者何乃樂 死者何乃苦 冥冥長林下

上有奄忽土 悠悠黃泉底 精神向何所

妻子父母別 終歸墮七祖 呼吸逐風塵

魂魄何所主 死者亦不生 看天天无柱

瓦雞將不鳴 木人亦不語 哀哉傷人情

悲哉切肝膂

建齋度亡人

留情何所處

唯願得生尸

昇仙度七祖

弟子南向十二拜除去七十二劫生死之

罪

悠悠濁俗人

倒見安識真

不知有父母

養五

九

不知有君臣

不解去來事

不別有故新

守愚而天命

魂魄乃沈淪

五道分之往

幽幽長夜扃

但聞哭尸聲

不見歡樂人

不值宿命師

一旦亡精神

今日度亡者

願見起尸魂

結胎在今辰

飛行須臾間

常與太上參
散憂在北門
佩契而背師

世世七祖昏

弟子西北向十二拜除去三十劫生死之

罪

先身好殺生
命短怨神明
狂人言背師

萬劫九幽兵
兆身為惡獸
億載易善形

今身中天死
五苦無不經
魂魄歸天地

精神何處生
大聖念之痛
哀哉傷人情

輕口道說人
褻聲傷生民
今日度亡者

願得復人形
七祖還南宮
三天九龍迎

弟子西向九拜除去三十劫生死之罪

迢迢九天臺

峨峨紫鳳城

哀哉三界苦

憂愁患難并

悼問世愚人

何以不長生

不信大聖教

奄去四大零

終日行惡業

不覺身命傾

鑊湯浴劍樹

求哀亦不矜

今日為過度

唯教復人形

弟子東向九拜除三劫生死之罪

宿運因表裏

巍巍大羅天

中有不死夫

端坐兆億年

奉佩道說師

世世長夜間

五道三塗中

九幽相拘牽

如此之罪人

永劫何得仙

今日短命死

皆由先身緣

姍姍才智人

令汝命不延

對至大會期

殺鬼終不原

先不積善行

急向亦不思

建齋度亡人

布施開道門

弟子西向三拜亡者即得解脫

養五

十

天地由常存

三光洞然明

五行應四時

玄運不類零

亡者有何罪

一旦罹寒庭

不知有妻子

不識有父兄

四大奄然去

身散而存名

魂魄為何恃

精神何所生

今日過度之

願得復人形

弟子西向九拜除去萬劫生死之罪

四諦貫梵行

六度超世蹤

三毒不能檢

何用佩三洞

奉師吾我心

不得乘九龍

以此短命死

縱橫五道衝

二心懷猶豫

那得度災洪

今日度亡者

願得見仙公

弟子西向九拜除去三萬劫生死之罪

人人皆求生

生愚亦無益

佩籙而妬師

世世與聖隔

雖欲圖飛騰

不得上玉曆

以此短命死

死入九幽籍

魂魄精神馳

長夜何時釋

生存爲何計

錢財常貪惜

一去終天地 安知木與石 今日常度之

殃咎願除釋

弟子西向十二拜除去三千劫生死之罪

天人仍下化 愚者不知研 各各利世養

苟得貪目前 相妬競功名 自說爭後先

卷五

十一

輕師慢朋友 萬劫不得仙 死以入九幽

世世長夜淵 魂魄馳五道 鑊湯浴刀山

今日度亡者 亡者願生天 釋去一切罪

逍遙太上前

弟子東向三拜除去九十劫生死之罪

四符行之本

六度咸玄光

受道心不愍

令人命不長

中心有猶豫

那得不早亡

奉師如凡人

調詿致禍殃

慳貪不供養

世世值凶荒

輕口說祕要

過世入鑊湯

今日度亡者

願早生天堂

生女為夫人

生男為公王

弟子南向三拜除去十劫生死之罪

亡者初死宮

生人為立功

月月常度之

自離五道衝

六齋十直日

三七去災洪

庚申并甲子

真人靡不從

今日度亡者

願得乘九龍 生死值太上 世世見仙公

弟子北向九拜除去千劫生死之罪

賢者積萬善 積善能得仙 人死不為度

魂魄何得遷 先身不作善 徘徊地獄門

借問有何罪 坐口輕語言 永劫入九幽

何日復登仙 悠悠三塗裏 六賊之所牽

今日相為度 行道歸自然 三五七九法

建齋興福田

弟子南向九拜除去四十劫生死之罪

人身如五穀 輪轉其當生 種之有厚薄

善惡各有形 愚智天地隔 人亦有健寧
若鐵有柔剛 如水有濁清 人有貪亂者
亦有賢良貞 唯有生者樂 不見死者榮
幽幽長夜中 劫運何時停 上聖愍一切
哀哉傷人情

養五

十三

弟子東向三拜 除去六劫生死之罪
閻浮非福地 罪人相塗生 不知命短促
但共爭功名 私心妬賢善 自取目前榮
則求人供養 不知大命傾 苟欲自進速
獲譴於神明 奄然入長幽 黃泉何冥冥

可念世愚人
萬世不類零

此身豈久停

行善得仙者

弟子西向三拜除去三劫生死之罪

九幽多惡人

善者不來居

丘林龍不棲

井水無神魚

先身无有福

不得食天厨

輕口道說師

死亡在斯須

魂魄遊五道

精神歸虛无

悠悠九幽裏

萬劫歷三塗

今日度亡人

願得隨龍鳧

弟子北向七拜除去萬劫生死之罪

遼遼守棺槨

騁騁見紫庭

奉道求上仙

第一得師明 身佩无極契 當有一切經

百伎多能者 亦能道術成 奈何死者苦

一旦失功名 今日度亡者 今悉登鳳城

弟子北向三拜除去萬劫生死之罪

仙人壽萬劫 愚者亦不知 佩契心不愆

養五

十三

自取亡身危 口舌道說人 速死傷誰為

猛虎不可絆 神龍不待羈 此乃侯賢聖

不與愚人躡 可念死者苦 精神五道馳

今日欲度之 昇仙常无為

弟子西向七拜除去三萬劫生死之罪

人生會當死 一切皆无常 賢聖猶尸解

轉身昇天堂 罪重必天命 善者為延長

富貴與貧賤 斯是福不强 兇頑不信道

那得見仙王 大慈念一切 令人心推傷

過度已說竟 心各禮玉皇

弟子西北向九拜除去千劫生死之罪

靈寶九幽長夜起尸度亡玄章

洞玄靈寶六甲玉女上宮歌章

甲子太玄宮左靈飛玉女歌章曰

太玄洞清虛 玉氣映高靈 員華翳九象

綠梵曜飛青 益落雲迴際 流香燔丹瓊

碧鳳策朱轡 匡駕宴雲營 任我無色內

懽我天地生 迴輪三素朗 乃拯不窮齡

歷運順化會 氣與四常并 空洞中有真

誰測太玄名 虛映有懷子 迴真降爾形

取契同默念 棄累慎外營 積感入太虛

太虛降綠輶 遊宴常陽宮 飛步登玉清

徘徊九崖際

進禮玉皇庭

左喻朱月華

右引豁落星

三景齊大暉

豈覺天地傾

甲戌黃素宮左靈飛玉女歌章曰

黃素洞幽虛

神光煥太空

蜚廉太元一

勢契十真雙

靈運自冥紀

玄記故有明

卷五

十四

玉虛曜瓊室

金暉發丹容

朱鳳策神轡

徘徊上清宮

玄映無色內

解衿宴常陽

五帝啓靈途

妙訣歸黃房

神暢感寂庭

默思徹九重

靈歌理冥運

百和結成章

高曠通妙趣

以啓不窮方

有得無上道

項負圓寶光

玄玄歸妙門

入一萬真通

體我自然道

乘虛不待龍

三元降飛輶

流雲迴紫黃

騰景空霄上

宴轡朝玉皇

甲申太素宮左靈飛玉女歌章曰

太素澄清漢

浩靈分九旒

道生太元一

化爲天地珠

虛映高上報

頤下忽云無

五嶽自可舍

未若九天衢

時宴常陽宮

策雲御鳳軀

飛輪翳空洞

紫烟玄相扶

逍遙重虛上

迴目眇八周

億椿在俄頃

豈覺萬劫遊

皓樂隨運遷

保真無終休

聊各有志道

靜寂思相求

積微感自然

剋得御丹符

身入無患津

體懽心自娛

乘空迅飛雲

仰結高仙傳

紫微玄府

玉簪自

甲午絳宮右靈飛玉女歌章曰

絳宮玄上道

洞陽煥太真

丹靈映瓊室

卷五

十五

交風迴紫烟

八氣翳重虛

流香拂飛塵

龍鳳矯雲翻

神騁有無間

遊朗眇十方

乘虛樂九玄

靈運本非我

道由高上人

冥化自有數

我真法自然

妙曲發空洞

宮商結成仙

靈飛演道源

以悟後學身

虛映至清寂

默思自入神

我降自有由

且令停華年

道滿運飛輿

騰身昇九天

甲辰拜精宮右靈飛玉女歌章曰

拜精隱重虛

靈素降清陽

右部齊真景

錦帔飛羅裳

頽雲映華衿

朱采透玉容

策鳳御玄轡

宴真常陽宮

遊徇慶雲上

流眄六合房

曲降修我者

啓靈悟童蒙

運得應自然

道成非我功

精思虛映真

剋得朝玉皇

甲寅青腰宮右靈飛玉女歌章曰

青腰生道根

陽始號惠精

總鑒玄上氣

右部統三靈

離合八景運

遊化無滯停

微微極洞元

翳翳九虛清

中有妙靈女

上錦下飛青

乘虛策朱鳳

迅駕奔五星

迴風流香華

紫霄翼飛瓊

攜契上仙客

解衿九鳳城

妙曲空中唱

玉音互自鳴

宮商玄相和

玄化無際生

有能究此章

一誦懽萬齡

西宮結元錄

東華記仙名

率我常陽友

曲真降爾形

積修感玄會

三元降綠輶

騰景飛霞上

進禮太帝庭

洞玄靈寶六甲玉女上宮歌章



